

JAVNI POZIV za trenera/icu za facilitaciju obuke UMiD (Uči, misli i djeluj!) za omladinske političke lidere/ice

1. SAŽETAK JAVNOG POZIVA

Institut za razvoj mladih KULT (u daljnjem tekstu: Institut) raspisuje javni poziv za trenera/icu za facilitaciju obuke omladinskih političkih lidera/ica, pod nazivom *UMiD za omladinske političke lidere/ice* (u daljnjem tekstu: UMiD^P), na osnovu postojećeg kurikuluma. Cilj poziva je odabir fizičkog lica za facilitaciju navedene obuke, za oblast **političko zagovaranje i pregovaranje za rješavanje problema i potreba mladih**.

Zainteresirana fizička lica trebaju se prijaviti za isporuku svih usluga navedenih u javnom pozivu. Na osnovi dostavljenih prijava Institut će odabrati najboljeg podnosioca/teljicu prijave u skladu s dolje navedenim kriterijima.

Poziv se odnosi na sljedeće usluge:

1. realizirati dio obuke „Uči, misli i djeluj!“ za drugu generaciju omladinskih političkih lidera/ica u skladu s postojećim kurikulumom i didaktičkim materijalima, a za oblast političko zagovaranje i pregovaranje za rješavanje problema i potreba mladih u trajanju od **4,5** trenerska dana u toku **tri modula**, a za iznos od **1500,00 KM neto**;
2. učestvovati na konsultativnom sastanku u vezi s principima rada Instituta.

Kriteriji za prijavu

- 1) Podnosilac/teljica prijave ima značajno znanje i iskustvo u oblasti za koju se prijavljuje.
- 2) Podnosilac/teljica prijave ima iskustvo u neformalnom obrazovanju i facilitiranju obuka za oblast za koju se prijavljuje ili sličnih obuka za do 25 polaznika/ca.
- 3) Podnosilac/teljica nije aktivist/kinja u političkoj stranci, nije izborni zvaničnik, nije državni službenik/ca niti je bio u posljednjih 10 godina kandidat/kinja na izborima.
- 4) Dostavljena je sva tražena dokumentacija.
- 5) Podnosilac/teljica prijave je fizičko lice kojemu je BHS maternji jezik.

Dokumentacija

Prijava se sastoji od sljedeće dokumentacije:

- 1) Curriculum vitae (CV) s posebnim naglaskom na iskustvo u odabranoj oblasti;
- 2) tabelarni prikaz iskustava vezanih za oblast za koju se prijavljuje s naznačenim iskustvom u održavanju obuka i poznavanju političkog sistema u BiH;

Podnosilac/teljica prijave može dostaviti i dodatnu dokumentaciju za koju smatra da može biti značajna prilikom bodovanja svih pristiglih prijava.

Prijava

Rok za prijavu:

Poziv ostaje otvoren do ponedjeljka, **26. novembra 2018. g., do 16.00 sati**. Svi podnosioci prijava će putem emaila do 14. decembra 2018. g. biti obaviješteni o ishodu javnog poziva.

Prijave dostaviti:

- putem online obrasca koji se nalazi na <http://mladi.org/myURL/konsultumidp>

Eventualna pitanja mogu se postaviti putem emaila na nejra.neimarlija-roic@kultbih.org.

2. JAVNI POZIV

Opis posla

Institut za razvoj mladih KULT (u daljnjem tekstu: Institut) raspisuje javni poziv za trenera/icu za facilitaciju obuke omladinskih političkih lidera/ica, pod nazivom *UMiD za omladinske političke lidere/ice* (u daljnjem tekstu: UMiD^P), a na osnovu postojećeg kurikulumu. Cilj poziva je odabir fizičkog lica za facilitaciju dijela navedene obuke, za oblast **Političko zagovaranje i pregovaranje za rješavanje problema i potreba mladih**.

Zainteresirana fizička lica trebaju se prijaviti za isporuku svih dolje navedenih usluga. Na osnovi dostavljenih prijava Institut će odabrati najboljeg podnosioca/teljicu prijave u skladu s dolje navedenim kriterijima, a s kojima će potpisati ugovor o djelu.

Odabrani podnosilac/teljica prijave će:

- 1) vršiti facilitaciju obuke UMiD za omladinske političke lidere/ice (UMiD^P) iz **oblasti Političko zagovaranje i pregovaranje za rješavanje problema i potreba mladih**, koja se provodi u tri petodnevna modula. Trajanje dijela obuke za navedenu oblast su 4 i po trenerska dana, tj. u ukupnom trajanju od 18 sesija u tri modula.
- 2) proći konsultativni sastanak u vezi s principima rada Instituta. Konsultacije će organizirati Institut u prostorijama Instituta u periodu od 17. do 21. 12. 2018. g. Podnosilac/teljica prijave treba biti u mogućnosti prisustvovati događaju u navedenom periodu. Tokom konsultacija izabrani podnosilac/teljica prijave bit će upoznat s metodama i tehnikama koje se koriste u edukaciji.

Šta je UMiD (Uči, misli i djeluj!)?

UMiD (Uči, misli i djeluj!) je Institutov certificirani program obuke omladinskih lidera/ica, tokom koje polaznici/e postaju građanima/kama koji svojom voljom preduzimaju inicijative, te iskazuju svoje mišljenje i aktivno sudjeluju u procesu donošenja odluka u svojoj zajednici. Tokom obuke mladi imaju priliku razviti osjećaj za timski rad, solidarnost, kreativnost, komuniciranje i druge kompetencije. Tako dobivamo aktivne mlade koji razumiju važnost svoje uloge u društvu. UMiD-om Institut doprinosi učešću mladih u procesima donošenja odluka i podizanju svijesti o aktivnom sudjelovanju mladih u politici. UMiD-om želimo osigurati veću uključenost mladih, razvijati njihovu društvenu odgovornost, utjecati na promjene stavova i prevazilaženje predrasuda, osnažiti i jačati partnerstva među njima i na taj način jačati njihovo samopouzdanje. Tako mladi postaju građanima/kama koji preuzimaju odgovornost i iskazuju vlastito mišljenje. U konačnici, UMiD-om educiramo mlade da budu jedna od pokretačkih snaga društva. Više o UMiD-u možete saznati iz publikacije koju možete preuzeti na linku: <http://mladi.org/myURL/umidbrosura>.

Šta je UMiD^P (Uči, misli i djeluj! za omladinske političke lidere/ice)?

UMiD za omladinske političke lidere/ice (UMiD^P) je Institutov program za omladinske političke lidere/ice od 18 do 30 godina starosti, koji dolaze iz različitih političkih stranaka. Mladi političari/ke kroz tri petodnevna modula obuke usvajaju znanja i vještine o poznavanju političkog sistema u BiH

i djelovanja u njemu, o razvoju političkog imidža, te o političkom zagovaranju i pregovaranju za rješavanje problema i potreba mladih. Omladinski politički lideri/ce tokom obuke povećavaju naklonjenost prema rješavanju problema i zadovoljenju potreba mladih, ali i jačaju njihove nedostajuće kapacitete u gore navedenim oblastima kurikuluma i obuke.

Pozadina posla

Prema istraživanju Instituta iz 2014. godine, od 65 registriranih političkih stranaka u BiH samo njih 14 u svojim službenim programima imali su određene programe za mlade, dok 51 politička stranka ili nije spomenula u svojim službenim programima mlade ili je to učinila sporadično. Omladinski ogranci političkih stranaka ne mogu se podvesti pod brigu o mladima, budući da im je osnovni zadatak jačanje (podmlađivanje) kapaciteta političkih stranaka, a ne briga o mladima. Više od 50% ispitanih mladih ljudi navode da su naklonjeni mladim političarima/kama i smatraju da treba biti više mladih u politici. Značajan postotak mladih smatra mlade političare/ke dobrim, ali nedovoljno utjecajnim, posebno zbog nedostatka iskustva.

S tim u vezi važno je jačati kompetencije mladih političara/ki koje se tiču razumijevanja ekonomskog i društvenog razvoja, razvoja kulture ljudskih prava, razvoja jasnih strategija, vještina davanja prioriteta mladima u političkim agendama, jačanja kapaciteta u vođenju uspješnih zagovaračkih kampanja i lobiranja, vještina učinkovite komunikacije, demokratskog liderstva, umrežavanja s drugim mladim političarima/kama, te učinkovitog predstavljanja njihovih glasača/ica.

Utjecaj na polaznike/ce obuke

Polaznici/e tokom tri modula trebaju steći znanje i vještine, te razviti kapacitete za davanje prioriteta pitanjima mladima na agendama/programima političkih stranaka, razumijevajući izazove ekonomskog i socijalnog razvoja. Polaznici/e će tokom i nakon obuke ojačati vlastitu kulturu poštivanja ljudskih prava, rodne ravnopravnosti i demokratskih procesa za unaprjeđenje pozicije mladima, kroz razvoj jasnih strategija i vođenje uspješnih zagovaračkih kampanja, te učinkovito predstavljanje svojih izbornih jedinica. Nakon obuke omladinski političari/ke postat će dobri politički komunikatori držeći se demokratskih načela i uvezujući se s drugim mladim političarima/kama. Potrebno je da doprinesu promociji odgovorne politike koja će odgovarati potrebama svih mladih, te da djeluju u skladu s principima jednakosti, suživota i solidarnosti.

Kriteriji za prijavu

- 1) Podnosilac/teljica prijave ima značajno znanje i iskustvo u oblasti za koju se prijavljuje.
- 2) Podnosilac/teljica prijave ima iskustvo u neformalnom obrazovanju i facilitiranju obuka za oblast za koju se prijavljuje ili sličnih obuka za do 25 polaznika/ca.
- 3) Podnosilac/teljica nije aktivist/kinja u političkoj stranci, nije izborni zvaničnik, nije državni službenik/ca niti je bio u posljednjih 10 godina kandidat/kinja na izborima.
- 4) Dostavljena je sva tražena dokumentacija.
- 5) Podnosilac/teljica prijave je fizičko lice kojemu je BHS maternji jezik.

U iznos ponude nisu uključeni: troškovi putovanja u Bosni i Hercegovini (paušalno po prijađenom kilometru automobilom), a na koja odabrani trener/ica budu pozvani; troškovi smještaja, hrane i drugi troškovi tokom trajanja sastanaka i obuke. U slučaju da odabrani trener/ica putuje iz neke

druge zemlje, bit će pokriveni samo putni troškovi od bh. granice do mjesta održavanja događaja (paušalno po prijeđenom kilometru automobilom).

Za obračun prijeđenih kilometara uzima se u obzir obračun prema web-stranici www.viamichelin.com.

Obaveze podnosioca/teljice prijave

Obaveze odabranog podnosioca/teljice prijave su:

- prisustvovati konsultativnom sastanku u vezi s principima rada Instituta;
- održati radionice iz odabrane oblasti u skladu s postojećim kurikulumom;
- provesti dan i po ili jedan dan, po modulu, na obuci UMiD za omladinske političare/ke, koju će pohađati 25 omladinskih političkih lidera/ica u skladu s dolje navedenim datumima (ukupno 4 i po dana u toku tri modula obuke);
- aktivno saradivati s trenerima/cama koji budu držali obuku iz druge dvije oblasti obuke: poznavanje političkog sistema u BiH i djelovanja u njemu, te razvoja političkog imidža.

Odabranom podnosiocu/teljici prijave bit će osigurani troškovi smještaja i ishrane, kao i putni troškovi za vrijeme trajanja angažmana (u skladu s kriterijima za prijavu).

Odabrani trener/ica nema pravo delegirati drugoj osobi ispunjenje ugovornih obaveza.

Ugovorom će biti definirana dinamika isplate naknade, koja će se temeljiti na pojedinačnim modulima obuke.

Institut će odabranom treneru/ici isplatiti neto iznos, te će platiti pripadajući porez u skladu sa zakonom.

Datumi održavanja modula obuke

Modul I 6 - 10. februara 2019. g.

Modul II 6 - 10. marta 2019. g.

Modul III 3 - 7. aprila 2019. g.

Prijava se sastoji od sljedeće dokumentacije:

- 1) Curriculum vitae (CV) s posebnim naglaskom na iskustvo u traženoj oblasti;
- 2) tabelarni prikaz iskustava vezanih za oblast za koju se prijavljuje s naznačenim iskustvom u održavanju obuka, poznavanja političkog sistema u BiH (informacije koje su obavezne u tabeli: kratak opis ranijeg iskustva, naziv institucije/organizacije s kojom je podnosilac prijave imao ugovor i kontakt, period pružanja usluge, ako je proizveden dokument: naziv proizvedenog dokumenta, je li dokument dostupan na uvid);

Podnosilac/teljica prijave može dostaviti i dodatnu dokumentaciju za koju smatra da može biti značajna prilikom bodovanja svih pristiglih prijava.

U slučaju potrebe za dodatnom dokumentacijom ili pojašnjenjima, Institut će kontaktirati podnosioca/teljicu prijave naknadno.

Institut može kontaktirati reference koje podnosilac/teljica navede u prijavi.

Prijava

Rok za prijavu:

Poziv ostaje otvoren do ponedjeljka, **26. novembra 2018. g., do 16.00 sati**. Svi podnosioci prijava će putem emaila do 14. decembra 2018. g. biti obaviješteni o ishodu javnog poziva.

Prijave dostaviti:

- putem online obrasca koji se nalazi na <http://mladi.org/myURL/konsultumidp>

Eventualna pitanja mogu se postaviti putem emaila na nejra.neimarlija-roic@kultbih.org.

Nepotpune i nepravovremeno pristigle prijave neće biti uzete u razmatranje. Sve informacije o Institutu za razvoj mladih KULT mogu se naći na www.mladi.org.